



Bonito no Mário

Agora mak tempu livre ba Bonito atu halimar iha liur. Nia hasoru manu ida furak loos. Mai ita lee hamutuk hodi hatene!



Bonito no Mário
Phạm Thị Thu Trang

Let's Read



The Asia Foundation



Bonito iha hela feriadu bai-loron nian! Nia husu nia Amá atu halimar, maibé nia Amá servisu barak. Nia haruka Bonito atu bá husu nia Apá.



Bonito hetan nia Apá. "Apá! Hakarak halimar bola?"



Apá dehan lae. Nia sei bá servisu. Maibé Apá iha ideia ida.



Bonito nia Apá fó nia bulaun saku ida. Depois nia Apá sai husi odamatan.




Bonito buka nia bin. Bonita preokupa hela ho tesi surat-tahan ba nia festa eskola. Nia fó Bonito surat-tahan balun. Nia dehan ba Bonito atu halo aviaun!



Bonito laran-moras loos. Sira hotu servisu barak!



Nune'e Bonito bá jardín. Nia sei halimar ho Mário, kakatua ida.



Mário hateke ba Bonito. Bonito hateke ba Mário. Bonito iha ideia ida.



Nia iha bulaun. Nia iha surat-tahan. Bonito komesa servisu. Nia tesi no lulun. Nia lulun no tesi. Bonito servisu loron tomak!



Ikus liu, laron Sábado. Ema hotu iha uma. Bonito konvida nia família ba festa. Sira hakfodak tebes. Ida-ne'e la'ós Bonito nia tinan. Nune'e sé nia festa?



Bonito hamnasa de'it. Nia husu nia famíliá hodi tuir nia.



Bonito haksoit tuun no sa'e. Nia hamnasa. Nia dehan ba nia família ida-
ne'e Mário nia tinan!



Apá fó kadernu ba Mário. Bonita fó nia rebusadu. Amá tunu dosi.



Família sira tuur no halimar hamutuk. Parabéns Mário!



REMATA

Endorsed by:
The Ministry of Education, Youth and Sport, Timor-Leste



Supported by:



Brought to you by

Let's Read is an initiative of The Asia Foundation's Books for Asia program that fosters young readers in Asia and the Pacific.

booksforasia.org To read more books like this and get further information, visit letsreadasia.org.

Original Story Bon and Butter, Author: Phạm Thị Thu Trang. Illustrator: Phạm Thị Thu Trang. Published by Room to Read, <https://storyweaver.org.in/stories/31278-sinh-nhat-bo> © Room to Read. Released under CC-BY-4.0.

This work is a modified version of the original story. © The Asia Foundation, 2020. Some rights reserved. Released under CC-BY-4.0.

For full terms of use and attribution,

<http://creativecommons.org/licenses/by/4.0/>

Contributing translators: Ghezio Ribeiro and Ivo Ribeiro